

خزینہٴ اوراق

تاریخ تاسیس
۱ مایس سنہ ۱۲۹۷

جمعہ ایرتسی

نمبر
۱۷

عمومی اعتباریہ فتونہ دائر رسالہٴ ادبیہ در

آبدہ درت کرہ اولہرق جمعہ ایرتسی کونلری چیقار

مخصوصه رعايت ايدرلر وز علمرينه كوره بر مزارلغك اوراده
مدفون اولان موتانك نسلي حقنده تأثيراتى اولوب كويابرجهتله
انسانلر سعید و شقى اولورلر ايمش .

چينلورلك ممالك اجنبیهده قونسلوسلرى اوليوب محلى حكومتلرينه تابعدرلر . يالکز سنکاپورده برچين قونسلوسى واردر .
فقط کندولر اوروپا اداره سنى کندی حکومتلرينه ترجيح ايدرلر .
چين مجوسيلرندن شرف اسلام ايله مشرف اولنلر چوق بولنور
فقط خرستيان و يا خود ساتر مذهبی قبول ايدنلر هيچ کورلما .
مشدر . مهاجرلرک ايچنده ذاتا اسلام اولان چينلى دخی چوق
بولنور .

چينلور شراب و عرق ايچرلر فقط کندولرينه مخصوص
(صام صو) اسمنده برنوع عرفلى واردر که پرنجندن استخراج
ايدرلر بو صام صوده کی صو لفظی ترکی اولان صودر که
چين و ترکی لسانلرنده مشترکدر .

منيف

کمال بك افندينك مقاله سندن مابعد

ايسته واجب الوجودك نظيرى معدوم مطلقدر فقط بز
ذهنيزده اويله بر تصور بوليورز بدبيدر که معدومى دوشونمک
محال اولسيدي افکار بشرده بوتصور بولنزدی . طبيعت ايچنده
خلو مطلق عادتاً معدوم ايکن بز آنی تصور ايتک شويله
طورسون جيوه ايله شيشه بيننده از بر زمان تميز بيله ايتديريورز
ديمک که معدوم يالکز متصور دکل مقيم دخی اولسه ينه

وجود بولمق اقتضا ایتمش . چونکه شیشه ایله جیوه آره سنده حاصل ایتدیگمز شی یوقلقدن عبارتدر . لادریه ناک شایان دقت اولان سوزلری بو یوللرده اولان معانده و مغالطه دل دکل طریق انصافه دوکیلوبده تخری و مؤاخذه یولسده ایراد ایتدکمری مباحثدرکه حائز اولدیغی اهمیت جهتله براز تفصیل ایتک استرز .

بونلر علم و معلوم و عالمی اله آلورلرده دیرلرکه :

« علم بشر نهایت درجده ناقص و نقصانی ایسه کماله نسبتله یوز بیکلرجه یوز بیکلر کره زیاده اولدیغندن شبهه یوقدر بولندیغمز قطعه خاکی مکوناته و بیلدیگمز حوادثی علی العموم شئوناته قیاس ایلسه ک نقطه یی ابعاده نسبت اتمش اولورز . بوقدر نقصانی بر واسطه ایله وصول حقیقته نصل امیدوار اولهلم ؟

علم زیاده لشدبکه تصدیقات فکریه الی غیر النهایه تغیر ایدر طورر مثلا بری بزه - آرشونی اونر غروشدن یوز ذراع دیوار یاپدردم . معماره نه ویرمکلکم لازم کلور - دیسه درحال - بیک غروش - دیرز . لکن - مقاوله مزده دیوار اون کونده بته جک و بتزسه حریف هر تأخر ایدن کون ایچون یوز غروش تضمین ویره جک ایدی دیوار ایسه اون ایکی کونده بتدی - دیه جک اولسه همان ایکنجی درجده حاصل اولان علمز حکم ذهنیزی تحویل ایدرک معماره سکر یوز غروش ویرمسی لازم کله جکئی سویلرز . ینه حریف - شو قدر وارکه برکون معمار ایشنی تعطیل ایتک استدی . بنسده رخصت ویردم - دیسه ینه بر علم دها حاصل ایتدیگمزدن ینه

نتیجہ مزی دکشدر — اویله ایسه طقوز یوز غروش ویرمیسکر
دیرز .

دیمک اولور که علمزی برقاچ بیک درجه ایلرو کوتوره
بیاسهک شمعی مضبوطمز اولان معلوماتدن هیچ بری صحیح
قالیه جق . بوده تجربه ایله ظاهر دکلیدر که انسانیت عصر
بعد عصر هر ماده اوزرینه مختلف مختلف فکرز حاصل ایدوب
طورییور . فقط هیچ برنده توقف ایتمور !

بو حال یالکز اعصاره مخصوص دکل متعاصرین پیندهده
تمامیله جاری اولور . بوکون برلین انجمن دانش اعضاسندن
بریله صحرای کبیر وحشیلرندن بری هم مجلس ایدلسه محفوظات
فکریه لرینک بیکده بری یکدیگرینه توافق ایتمک قابیلدر ؟

ایکی مناره بویی برطاغ و یا برقورشون آتینی برنر و یاخود
یالکز خریطه اوزرینه چکلش برخط موهومک برطرفنده عین
اصابت عد اولنان حالر او برطرفنده محض شاعت صاییلور !
انسان چوجوقلقدن کنجلیکدن اختیارلغه انتقالنده — یالکز
بو اطوار نلتهده دکل — بلکه هر آنده تصدیقات فکریه سنی
تقلیب و تغیردن خالی قالورمی ؟ بز بوکون اعتقادده یز که بلکه
دون اکا قائل دکلدک . یا او اعتقادده یارین دوام ایده جکمز
ندن پیلنور ؟

بویله هر زمانده هر مکانه هر قومده هر عالمده وحقی
هر فرده نسبتله هر کونده تناقضی کل یوم بیک تجربه ایله ثابت
اولان مدرکاته فصل حقیقت دینیله ییلور ؟

هانکی عصرک هانکی شهرک هانکی امتک هانکی عالمک

قولنه اعتقاد ایدلم ؟ دائما تبدلنی کوردیکمز تصدیقات فکریه-
مزدن هانکیسنی صحیح بیللم ؟

ظاهر دکلیدر که فکر ونظرمن هانکی مادهیه تعلق ایدرسه
یا لکر ظواهرینی فهم ایدیور حقایقنی ادراکدن عاجز قالیور؟
مثلا المزه بر انکلیز التونی آلهق شکلی نقشنی حجمنی تقلتنی
قیمتنی اکلازز . فقط التون نه در ؟ نیحون اوزرینه کونش
دوشرسه صاری کورینور ؟ نیحون اجزای فردیه سی سائر
معدنلردن زیاده بر برینه متقاربدر ؟ بواساب اصلیه دن هیچ
خبرمن وارمیدر ؟ عالمده صورتدن متبدل نه بولنه بیلور ؟
شمعی هانکی جسمک بوندن بر دقیقه اولکی غیبتده ثابت
اولدیغنی ادعا ایده بیلورز ؟ آن بان بر برینی تعقیب ایدوب
کلکده اولان شو طوفان انقلابات ارسسندده بر شیده حقیقت
تحرری ایتمک قوس قزحدن یکن قطره لرده رنگ ارامق قبیلندن
اولزمی ؟ و بوحالره امعان نظر ایدیلورسه بر حکم عقلینک
حقیقنی یا لکر زمان خطورینه انحصار ایتمک شمدی حق اولان
بر شیتک بر دقیقه صکره بطلانی قابل اوله بطلک اقتضا
ایتمی ؟

یا بالنظر تحصیل علم ایتدیکمز شیلر بویله اولنجه حقایقه
اولان معلوماتن نه حالده بولنق لازم کلور ؟ بز حقایقنی یا
صورتدن تحصیل ایتدیکمز معلوماتدن استدلال ایله ویا خود
عقلمنزک بالبداهه حکمیله بیلورز .

ابتدا برنجی وجهنی اله آلهلم . بر شیتک دائمی تبدل و صرف
فروغادن عبارت اولان جهتلرندن ثابت و حقیق اولان
جهتلینه حکم ایتمک معقول بر استدلالمیدر ؟

ماهیت نسبت صفاتك علت نسبت آثارك ثباته نسبت
تغیرك تناهیسزلکه نسبت قیودك نه جگمی اوله یلور ؟
حقیقتی بالبداهه اكلامغه كلنجه بویه بر حکمنده نه قدر
قوتی اوله یلور که بویه اولان تصدیقك جملہ سی غیبه علم
ادعا ایتك قیلندندر . بزم فکرمن که برتصوری قطعیا تصدیق
ایدر . و خلافتی تصویره امکان بوله من . بزده انك عین
حقیقت اولدیغنه بالمجبوریه اینانورز . انجق برهانك نه در ؟
استدلالك نه یولده در؟ دیانلره بر جوابمز وارمیدر .

بر کره قوه ناطقه نك حالتی دوشونلم . اجسامك کافه سنده
کورلدیکی کبی انسان دخی وجودینك تابع اولدیغی انقلابات
طبیعیه سی جهتیله ایکی دقیقه برعینتده قاله من . هرآن اجزای
مرکبه سنك بر طاقی کلینندن ایر یلور . یولرینی دیگر بر طاق
اجزا کلوب طوتیور . حال بو که عقلك هر درلو ادراکاتنه
آلت بووجوددر . آنده کی تبدل قوای حسیده دخی بالطبع
بوتبدلی اقتضا ایدر . حسیاتك تبدلی دخی بالضروره مدرکاتنده
تبدلی مستلزمدر . عقل ثابت و یکرنك قالسه دخی
حال بو که عقلده ثباتدن و یکر نکلیکدن هیچ بر اثر کورلدیکی
یوق ! بر کیمسه نك ادراکی دیگر بر آدمك عقلنه بکره من هرکس
چوجوقلغنده هر ندیه معتقد ایه اختیارلغنده همان جملہ سنی
انکار ایدر . بر مادهیه بر انسان صاغلم ایکن بشقه درلو حکم
ایدر... خسته ایکن بشقه... آتیق ایکن بشقه... سرخوش ایکن
بشقه... هله عقلك اویقوده اولان تصویرآیله حال یقظه ده کی
ادراکاتی یشنده اولان فرق کلی ودلی دیدیمکز آدمك خواطرنده

بزم تصدیقاتمه نسبت کوریلان مغایرت کامله بتون بتون جای
وسوسه دکلیدر ؟

عقل دیدیکمز قوت عمرک هر طرزنده وجودک هر حالنده
بر معلوم اوزرینه طبان طبانه ضد عملر حاصل ایدیور !
حکمر ویریور ! بونلرک هانکیسی صحیحدر ؟ عقلک حال
طبیعیسی کجلاکده میدر ؟ اختیارلقده میدر ؟ بقظه ده میدر ؟ اویقوده
میدر ؟ سرخوشلقده میدر ؟ ایقلقده میدر ؟ عقلایاق دیدیکمز
طورده میدر ؟ جنون دیدیکمز حالده میدر ؟ نه دن بیلام ؟

برده طوغدیغمرزمان قوه مدرکمز بر تخم قیلندن اولوبده
وجودمز غذا وهوا ایله نشو ونما بولدقجه انکده نظر وتجربه
ایله ترقی ایتدیکنده بو نظر وتجربه ایسه تصادفاً اطرافزی
احاطه ایدن عادات ونظامات ومعاملات ایله حاصل اولدیغنده
شبهه وارمیدر ؟

بر از تأمل ایله اکثرینک سقامته حکم ایتدیکمز بواسبابک
تأثیراتی عجبا قوه عاقله فی طریق سلامتدن آیرمامشیمدر ؟
امراض نفسانیه وهوسات شهوانیه ومسند خدمت وترکب
جسمانی واقلم وما کل ومشارب کبی نیجه احوالک تمیز
اوزرینه معلوم اولان تأثیراتی دوشونیلچه اوده حکم عقلینک
حقیقتندن اعتمادی سلب ایتمی ؟

برده قوه عاقله انعکاس حقیقت ایچون دائماً صفوت وسکون
حالنده بولنق لازم کلورکن هر آن بیک درلو تأثیرات خارجیه
ایله تحویل وتحویلله بالطبع صور منعکسه فی دخی تحویل ایدرک
بر ماده ایچون هر فکرده بر شکل دیگر وهر زمانده بر عکس

اخر پیدا اولیور . بونلرک ایچنده حقیقته مطابق اولانده
وارمش نهدن بیهلم که هانکیسیدر ؟

ایشته حواسمیزک عمومی بو حالده ... شمعی بونلری برده
آیری آیری تدقیق ایدلم . دنیاچه بونی بر عاقل انکار ایدمهز که
اکثر حسلرمز بزی دایما الدائمقدهدر مثلاً بو کون یکریمی
بش درجهده سیجافی بزم حاملزه مطابق بولورز . یارین تحمل
اولغیدهجق درجهده کوریرز . ذائقه بر شیئک لذتی هر زمان
بر حالده بولمز . شامه دون حظ ایتدیکی بر قوقودن بو کون
استکراه ایدر .

سامعه بر برینه طبان طبانہ ضد اولان ایکی قوی قبول ایله
دماغه نقل ایدر . نظر صوده کی دکنکی اگری وکوندز صاری
کور دیکی شیشی کیچه بیاض کورر . سطح آینه ایچنده ابعاد
ومقبر اجسام بولندیغه حکم ایدر .

کوز عاداتا بر معکسدر بز نیچه معکسلر کور بیورز که مدوری
مستطیل ویا کوچکی بیوک کوسنتر . یا کوزکده بو قبیلدن
اولدیغنی نهدن بیهلم ؟

برده بنم صاری کور دیکم شیشی بر بشقه سی یشیل بر بشقه سی
مائی بر بشقه سی قرمزی و بنم کروی کور دیکم بر جسمی بر
بشقه سی مکعب بر بشقه سی بیضی بر بشقه سی خمی کور مدیکنی
نهدن استدلال ایدلم ؟

بو تعبیرلر یالکز دایما کور مکده اولدیغمز بر طاقم الوان
اشکاله دلالت ایدر . یوقسه بو الوان واشکالک هر نظره نسبت
بر عینیتده قالدیغه الده هیچ بر برهان یوقدر .

مقدماتمك اكثريني حافظه دن اليورز . حافظه نك ايسه
 مضبوطاتنى تغيير ايتديكنه نصل امين اوله بيلورز ؟
 بونلردن بشقه واهمه انسانه هينج يوقدن بو قدر هياكل
 هانله كوسترديكى ومدهش مدهش صدار ايشتدريدكى معلومز
 دكليدر ؟ يا خادملى بو حالده اولان تيميرك وصول حقيقته
 اقتداريني نه صورتله تسليم ايليدم
 مابعدى وار

كالم

پكى ایله تلکی

اولمش ایدی ماسبقده روباه * برتیس دراز قرنه همراه
 كوته نظر اولدينى قدر بز * روباه ایدی لایق تخرز
 بونلر صوصانجه بولده ناگاه * یارای قضا یاراتدی برچاه
 ایتکلکه چاهه بولدی بول * نوش ایتدی لرآی آنده بول بول
 مقصودلری اونجه حاصل * ثعلب دیدی ای رفیق عاقل!
 یالکز بورایه اینش هنرمی * تسکین عطشه ایش پیترمی ؟
 چیقمق ده كرك بزه بو یردن * قالدیر اوک ایاقلرک هله سن
 بوینوزلرکی هوایه زفع ایت * پك طورمق ایچون جداره وضع ایت
 بن طرمانه رق بلك بوینجه * بوینوزلره پایمی قونجه
 قورتلم اولور بنم محقق * اسهل سنی ده چکوب چیقارمق
 ریشم حق ایچون دیدی - تیس * رایك کورینو سرای تقدیس
 ذاتک کی اهل فکر واذعان * اولزمی ثنا ومده شایان !
 بو سر غربی کشف و اظهار * نجه کورینوردی خیل دشوار
 القصه طوتوندی چیقدی روباه * ترك ایتدی رفیق راهی درچاه
 تردیف ایله فعلنه شو پندی * آزرده تر ایتدی درد مندی